

աստ՝ թէ պատրաստ լինիցի զի ի գալ ամսոյն մեծ պաշտօն ինչ տալոց եմ նմա, և եթէ մին պակասութիւն ինչ ունիցի՝ ասասցէ քեզ, Եւ նա ասէ. Գիտեմ զի ի Մսովա 20 վաքիէ փոխ էառ: Եւ թագուհին ընդ լսելն զայս՝ իսկոյն հանեալ ետ զ20 վաքիէ ոսկի՝ որ առնէ 500 զրշ, և ասա՛ նմա զի ուրախ լինիցի: Եւ ելեալ Այդոյ Բիջոն գնաց առ Թովմաճանն և ասէ: Ձի՞ն է քեզ զի գանգատեալ ես վերակացու իշխանին: Իսկ նա տրտում և տխուր դիմօք ասէ. վասն քո աղօթեմ: Եւ նա ասէ. Գիտեմ զի այդ աղօթիւքդ անիծարաննս զիս, և թագուհին լուեալ է զտրտութիւն քո, կոչեաց զիս և յանդիմանեաց թէ ընդէր ոչ գնաս առ նա և մխիթարես. և թէ մին պակասութիւն ինչ ունի՝ ասասցէ քեզ. և ես ասացի թէ պարտս ունի 20 վաքիէ ի Մսովա, վասն այն փոքր ինչ տրտում է ասացի: Եւ իսկոյն ետ ինձ ահա զ20 վաքիէ. և առ այժմ առ զայս և ի գալ ամսոյն պաշտօն եւս տալոց եմ ասաց. և կամի զի դու ուրախ լինիցիս հանապազ:

Յայնժամ փոքր ինչ մխիթարեալ թովմաճանն՝ ասէ ցնա. Սիրելի, ես վաճառական եմ և կամիմ վաճառել զապրանս և դառնալ ի տուն իմ, քանզի որդւոց և ընտանեաց աէր եմ, և աստ պաշտօն առնուր և նստել աստ ինձ ո՛չ վայելէ: Ասէ Այդոյ Բիջոն. Ահա այժմ իմացար թէ աստ ոչ վաճառին ինչքդ, և զայսքան ծախարարեր մինչեւ ի գալդ և զայսքան ընծայս եւս ետուր: Այժմ եւս զայնքան ծախս պարտիս առնել ի գնալդ. ուրեմն քանի մի տարի նիստ աստ ի պաշտօնիդ գոնեա զարարեալ ծախսդ հանցես: Եւ երբէք ոչ ումեք ասացես թէ կամիս գնալ. զի յիրաւի և ես ցաւիմ ի վերայ քոյ որ պատճառ եղէ զալստեանդ, վասն որոյ խնդրեմ զի համբերեսցես և ուրախ ցուցցես զքեզ առ ի հաճոյանալոյ թագուհւոյն և իշխանացն:

Եւ ինքն եւս թովմաճանն խորհեցաւ ընդ որդւոյ իւրում թէ իրաւ ասէ Այդոյ Բիջոն թէ յետ այսքան ծախոյ պարսպ

և ընդվայր դառնալն զինչ օգտիցեմք. ո՛չ ինչ. ուրեմն կացցուք աստ և տեսցուք զինչ պաշտօն տացեն մեզ: Եւ սկսաւ այնուհետեւ ուրախութեամբ ելեւմուտս առնել ընդ մեծամեծաց և բարեկամութիւնս առնել, և յամենայն աւուր ոռճիկն զայր ի թագաւորէն և յոյժ սիրելի եղեւ ամենացուն և մանաւանդ ընդ ճգմաթի Ծէթէին զի բազում անգամ կոչէր զթովմաճանն ի սեղան իւր՝ որոյ 150 զուրուշի ընծայ տուեալ էր և եւս թէ ընդ թագուհւոյն մեծ սիրով և ազգական էր: Վասն այն և թովմաճանն յաճախակի գնայր առ նա: Եւ յաւուր միում այս ճգմաթի Ծէթէն այսինքն Բաշայ Ծէթիէն ծիծաղելով ետ զաւետիսն պաշտօնին ի ծածուկ գանձապետութեան թագաւորի: Այլ եւս ազդ արար թէ ի գալ շարաթուհաշիւ գանձին առնելոց են, զքեզ եւս կոչեսցեն անդ, և դու եւս պատրաստ լիւր:

Վասն որոյ զայս լուեալ թովմաճանին՝ կարծելով թէ մեծ ինչ իցէ կամ մեծ վաստակ լինելոց ի գանձապետութենէն, վասն այն մեծ ուրախութեամբ դարձաւ ի խուց իւր: Եւ ի նմին ժամանակի էր գանձապետ ի հայոց ազգէն Առապկերցի ծերոմն բիրտ և տխմար, որ ի վաղուց եկեալ էր, որոյ անունն էր Սեւէֆ ուստայ: Եւ յետ աւուրց ոմանց կոչեցին զՍեւէֆ ուստան ի յարքունուստ և խնդրեցին ի նմանէ տալ զհամար գանձին. և ժամադիր եղեն՝ թէ յայն ինչ օր արասցուք: Եւ եկն ժամադրեալ օրն և կոչեցին անդ զթովմաճանն և զորդի նորա զՊօղոսն. այլեւս վեց անձինք զրազիրք համարոյ: Եւ առաջի իւրաքանչիւրոցն սփռեալ կային մի մի կովու կաշի և բակլայ՝ որով առնելոց են զհաշիւն. և առաջի թովմաճանի և որդւոյն եւս բերեալ սփռեցին զայն կաշին բակլայով: Յայնժամ ասէ թովմաճանն ծիծաղելով թէ՛ թողութիւն շնորհէք, մեք այսու գոեհկական և տաժանելի կերպիւ հաշիւ ոչ գիտեմք ասելով՝ հէսն ի միջացն զարծաթեայ կաղամարն և զթուղթն, և սկսաւ թուազրով այսինքն բախամով ըստ սովորութեանց իւրեանց զրել ընդ որդւոյն: